

## Yude Chĩc Choaiq Thõ Santoiq Atõng

Yude chĩc choaiq thõ nài sám 70 toâq 80 cumo ntun Yê-su canõt. Yude la a-ẽm Yê-su cõp Yacõ. Ân atõng yõn cũai sa-âm dáng bữn cũai chõng ngin alõi la cũai sa-âm cõp atõng parnai o tẽ Yiang Sursĩ, ma alõi táq ranáq tanghang, alõi calõih Yê-su Crĩt, cõp alõi táq máh ranáq sâuq canõh. Ngkĩq máh cũai sa-âm cóq chĩl loah máh ngê alõi aloõh ma claiq tẽ parnai Yiang Sursĩ.

<sup>1</sup> Cũq la Yude chĩc choaiq thõ nài cõiq sa-óh anhia. Cũq la cũai táq ranáq yõn Yê-su Crĩt. Cõp cũq la a-ẽm Yacõ. Cũq chĩc sa-óh anhia ca Yiang Sursĩ khoiq ruroh yõn cõt con acái án. Yiang Sursĩ, Mpoaq hái, ayooq lữq anhia. Cõp Yê-su Crĩt bán kĩaq anhia mantái níc. <sup>2</sup> Cũq sũq Yiang Sursĩ yõn anhia bữn ốc sarũiq táq, ốc ien khẽ, cõp ốc ayooq sa-ũi lữq ẽn.

### *Cõ Nõq Yude Chĩc Choaiq Thõ Nài?*

<sup>3</sup> Yõu ơi! Cũq khoiq chanchõm tẽ nhũang yoc lữq ẽ chĩc atõng anhia tẽ ngê Yiang Sursĩ chuai amoong hái. Ma sanua cũq chanchõm cũq cóq chĩc atõng anhia, ớn anhia curiaq pacái lữq máh ốc anhia khoiq sa-âm chơ. Yiang Sursĩ khoiq atõng yõn hái dáng dũ ốc hái cóq sa-âm tẽ ngê án. Máh ốc ki Yiang Sursĩ yõn muoi trở sâng; vớt

tễ ki án tở bữn yỗn ntróu noâng. <sup>4</sup> Yuaq bữn cũai atởng anhia ớc tở p̄ieiq. Alóí ki tamblóc yoc ễ talỏh ớc p̄ieiq máh hái khoiq sa-âm. Alóí tở bữn sa-âm Yiang Sursĩ. Yiang Sursĩ khoiq chuai miat hái toâq án táh lôih hái. Ma alóí ki chanchóm têq alóí táq ranáq tanghang, yuaq Yiang Sursĩ tở bữn noap noâng lôih alóí. Cóp alóí calỏih Yê-su Crít, Ncháu hái, án ca sớt nheq tữh cũai. Yiang Sursĩ khoiq yỗn cũai chĩc atởng tễ alóí tễ mbỏq, pai Yiang Sursĩ khoiq pupap chơ alóí.

### *Yude Sacâm Tễ Cũai Tễ Mbỏq*

<sup>5</sup> Anhia khoiq dáng tễ máh ranáq Yiang Sursĩ táq tễ mbỏq. Sanua cứq yoc atởng loah yỗn anhia sanhữ máh ớc ki. Tễ mbỏq Yiang Sursĩ chuai amoong tốp I-sarel. Án đưng aloỏh alóí tễ cruang Ê-yip-tô. Ma vớt ki bữn máh cũai I-sarel tở bữn sa-âm noâng. Ngkíq Yiang Sursĩ pupút alóí. <sup>6</sup> O yỗn anhia sanhữ tê máh ranẻng Yiang Sursĩ ca tở ểq ớt noâng tâng ntốq Yiang Sursĩ anoat yỗn alóí. Yuaq ngkíq Yiang Sursĩ chốq máh ranẻng ki toâq sái-sô cóp yỗn alóí ớt tâng ntốq canám toau toâq tangái parsốt, la tangái Yiang Sursĩ rablỏh nheq tữh cũai. <sup>7</sup> Machớng ki tê, cóq anhia sanhữ vil Sadôm cóp vil Camô-rơ, dẻh máh vil pẻh ki. Alóí tở bữn trĩh Yiang Sursĩ, machớng ranẻng Yiang Sursĩ tê. Cũai ớt tâng vil ki táq ranáq sâuq lứq. Alóí mansẻm samiang tở bữn lacuoi cayac bẻq parnơi, cóp alóí samiang ễ bữn ratuaq samiang, mansẻm ễ bữn ratuaq mansẻm. Ngkíq Yiang Sursĩ táq cũai ki.

Án apõng mũ cõp ùih tẽ paloõng yõn cat neq bar vil ki. Yiang Sursĩ táq ngkíq, án yoc apáh yõn cũai dáng, nõ-ra án ẽ táq ntróu chók cũai lóih.

<sup>8</sup> Alói ca mut talõh tâng tốp hái, alói táq machõng cũai tẽ mbõq tê. Alói la samoat noau mpáu, ma máh óc alói pai ki tở bữn lứq ntróu. Alói táq ranáq sâuq chók tở alói. Alói tở ẽq Yiang Sursĩ ndõm alói, cõp alói mumat máh ranẽng Yiang Sursĩ. <sup>9</sup> Ma Mi-kêl, án ca sốt máh ranẽng Yiang Sursĩ tâng paloõng, án tở khõn pai sâuq dẽh yiang Satan. Bo Mi-kêl tampõr cumuiq Môise cõp yiang Satan, Mi-kêl tở khõn pai muoi óc tở o ntróu tẽ yiang Satan. Ma Mi-kêl pai chók yiang Satan neq: “Sẽq Yiang Sursĩ toáp manrap mới!” <sup>10</sup> Ma cũai ca mut talõh đõq voõq sâuq tẽ Yiang Sursĩ cõp ranẽng án. Ma alói tở bữn dáng ntróu tẽ máh ramứh tâng paloõng. Alói dáng õng ramứh tâng dõi nâi sâng. Ngkíq alói la ariang charán. Alói táq ranáq sâuq đõq talõh tở bữm. <sup>11</sup> Nõ-ra Yiang Sursĩ ẽ táq yõn alói ramóh tõi q bap lứq, yuaq alói tũoiq ariang Ca-in táq tẽ mbõq. Cõp alói táq ariang Balam táq tẽ mbõq tê. Balam radũng tốp I-sarel yõn táh ngê Yiang Sursĩ, yuaq án ham sanõc tâng dõi nâi. Cõp alói táq ariang Cô-ra táq tẽ mbõq tê. Cô-ra yoc ẽ cheng sốt, ma Yiang Sursĩ tở yõn án bữn. Yiang Sursĩ khoiq pupút máh cũai ki tẽ mbõq. Cõp nõ-ra, Yiang Sursĩ ẽ táq cũai ca mut talõh tốp sa-âm, la machõng ki tê. <sup>12</sup> Cũai ki rôm cha parnõi cõp anhia bo anhia cha pêl bũi. Ma alói

tở ẽq tampống cớp tốp hái, cớp alới tờ bữn ngcõh noau. Alới ki la samoât tamáu cõl õt pũn đõq. Alới raphếq anhia ẽ đũng anhia pốq tâng rana cuchĩt, samoât tamáu cõl ki táq yõn tuoc clúh án, chơ tuoc ki cõt pacháh chíq. Cớp alới ki la samoât ramứl. Noau hữm ramứl ki, chơ noau pai cheq ẽ mia, ma cuyal đũng ramứl ki chu ntốq canõh ẽn. Ngkíq tờ hữm mia ntróu. Cớp alới ki la samoât catữ aluang palái ma tờ bữn cát. Chơ noau rợq táh nỡm ki dếh rêh. Ngkíq aluang ki samoât bar trỗ cuchĩt. Trỗ muoi la án tờ bữn cõt palái. Trỗ bar la án tamprợq dếh rêh. Mách cũai mut talốh tâng tốp anhia la machớng aluang ki tê. <sup>13</sup> Mách cũai ki la samoât đõq mứt lampỏh chanchoác níc cõt rapooh, yuaq alới táq sa-ữi ranáq sấuq puai rangứh alới bữm. Cớp alới la samoât mantờ atỡi ntốq.\* Yiang Sursĩ khoiq thữan đõq ntốq yõn alới õt. Ntốq ki canám níc, Cớp alới tờ nai bữn loõh tể ntốq ki.

<sup>14-15</sup> Bữn manoaq tể mbốq ramứh Ê-nóc. Ê-nóc la tể tống toiq Adam. Noap tể đỡi Adam tapoât đỡi ẽn, chơ toâq đỡi Ê-nóc. Ê-nóc khoiq atỡng tể cũai ki neq: “Nỡ-ra Ncháu hái toâq rablớh nheq tửh cũai, cớp bữn ớc vêu ranẽng Yiang Sursĩ tể paloõng toâq cớp án tê. Tâng tangái ki Yiang Sursĩ rablớh nheq tửh cũai. Cớp Yiang Sursĩ táq tột alới ca bữn mứt loái, yuaq alới táq ranáq sấuq, cớp tờ bữn yám noap Yiang Sursĩ.”

<sup>16</sup> Cũai ca mut talốh tâng tốp sa-âm, alới

\* **1:13** 1:13 Án pai ngkíq yuaq alới khoiq táh ngê Yiang Sursĩ, ma alới puai ngê canõh ẽn.

bubéq-bubúp, cóp tở nai bũn tể máh ranáq alói táq. Alói yoc ẽ puai rangúh alói bũm, cóp achõn tở alói bũm. Cóp alói khẽn cũai canõh, cõ ẽ bũn lờ tể cũai ki.

### *Ốc Patâp Yõn Tốp Sa-âm*

<sup>17</sup> Ma tốp muoi chít la bar náq ca cõt ayũng atĩ Yê-su Crít, Ncháu hái, alói khoiq pai chơ tể cũai mut talõh tâng tốp sa-âm. Yóu ơi, cóq anhia sanhữ máh santoiq tốp muoi chít la bar náq ki khoiq atõng. <sup>18</sup> Tốp alói pai neq: “Cheq toâq tangái parsót, lúq bũn cũai ayê ra-ac ngê Yiang Sursĩ. Alói yoc ẽ puai ốc sâuq tể mút pahõm alói bũm.”

<sup>19</sup> Alói ca mut talõh tâng tốp sa-âm, ẽq yõn cõt cayoah sa-ũĩ tốp ngcót. Alói puai rangúh alói bũm, ma alói tở bũn puai rangúh Raviei Yiang Sursĩ. <sup>20</sup> Yóu ơi! Anhia chõĩ táq ariang cũai ki. Máh ốc anhia khoiq sa-âm la lúq o, yuaq ốc ki toâq tể Yiang Sursĩ. Ma cóq anhia chuaq rana yõn mút pahõm anhia cõt sa-âm pacái lúq ẽn. Bo anhia câu, cóq anhia sêq Raviei Yiang Sursĩ chuai anhia câu. <sup>21</sup> Yiang Sursĩ ayooq lúq anhia. Ngkíq cóq anhia õt cheq níc án. Cóp Yê-su Crít, Ncháu hái, sarũiq táq anhia. Ngkíq án táq yõn nõ-ra hái bũn õt mantái níc cóp án. Cóq anhia ngcuang níc ốc ki.

<sup>22</sup> Cóq anhia bũn mút sarũiq táq chóc máh cũai ca bũn mút catõn-tõn tể máh ốc alói sa-âm. <sup>23</sup> Bũn cũai canõh cheq ẽ táq ranáq lờih, alói ki la samoât riang cũai cheq sapúl tâng ùih. Cóq anhia âc aloõh alói tể ùih ki. Cóp bũn cũai

canõh ẽn, alói khoiq táq sa-ũi ranáq lôih chơ. Cóg anhia sâng sarũiq táq alói ki, ma cóq anhia nhêng yõn o, cõh lơ anhia ẽn cõt lôih ãn alói tê.

### *Câu Khẽn Yiang Sursĩ*

<sup>24</sup> Yiang Sursĩ têq rabán kĩaq anhia yõn anhia tõ bữn dóm cõ tian ranáq lôih. Cóp Yiang Sursĩ têq táq yõn anhia tayúng clóq lứq yáng moat án tâng tangái án rablớh neq tửh cũai. Tangái ki tõ bữn noau têq tểq ntróu anhia. Ngkíq anhia sâng bũi lứq, yuaq anhia la tanoang o yáng moat án.

<sup>25</sup> Bữn ống manoaq Yiang Sursĩ toáp têq chuai amoong hái, cõ nhơ tể ranáq Yê-su Crít, Ncháu hái, khoiq táq. Cóg hái khẽn níc Yiang Sursĩ, cõ án ang-ũr lứq, cõ án cõt puo toár lứq, cóp cõ án bữn chóc clũi neq tể canõh. Ống án toáp cõt sốt tể dẫu lứq toáp sanua, cóp toau sốt neq dõi. Amen.

**Parnai Yiang Sursĩ - Kinh Thánh tiếng Bru  
Bru, Eastern: Parnai Yiang Sursĩ - Kinh Thánh tiếng  
Bru Bible**

copyright © 2015 Wycliffe Bible Translators, Inc.

Language: Eastern Bru

Contributor: Wycliffe Bible Translators, Inc.

All rights reserved.

2020-11-17

---

PDF generated using Haiola and XeLaTeX on 21 Feb 2024 from source  
files dated 29 Jan 2022

2f74bcbe-d4f1-5386-8c30-29d0147bb706